

HISTORIA DO MUNDO CONTEMPORÁNEO
EXAME*
UNIDADE 11

NOME	APELIDOS	CURSO
------	----------	-------

O EXAME CONSTARÁ DE **DÚAS PREGUNTAS**, CORRESPONDENTE CADA UNHA DELAS A UNHA PARTE. POR UN LADO ESTÁ A **PARTE TEÓRICA**, QUE PUNTUARÁ ATA **CINCO PUNTOS**, E POR OUTRO, A **PARTE PRÁCTICA**, QUE PUNTUARÁ TAMÉN ATA **CINCO PUNTOS**.

PARTE TEÓRICA

PREGUNTA 1. Marque cunha cruz a opción correcta de entre as tres que se propoñen (CADA PREGUNTA FALLADA PENALIZARÁ UNHA PREGUNTA ACERTADA) (puntuación máxima de **5 puntos**):

1. A falta de entendemento con Hitler na Conferencia de Desarmamento reunida en Xenebra provocou que: ☐ non se lle recoñecese a Alemaña o principio de igualdade de dereitos ☐ houberse entendemento con Adolf Hitler ☐ se producise o abandono da Sociedade de Nacións por parte de Alemaña	2. Adolf Hitler pretendía crear en primeiro lugar un gran Estado nacionalsocialista de base racial: ☐ máis alá das fronteiras fixadas no Tratado de Versalles ☐ unicamente dentro do territorio estipulado polo Tratado de Versalles ☐ ocupando todos os dominios coloniais alemáns fóra de Europa
3. A rexión do Sarre, que estaba baixo control francés, foi anexionada por Hitler: ☐ mediante un plebiscito á poboación ☐ a través dunha invasión militar ☐ mediante un acordo multilateral con Francia e Estados Unidos	4. Entre as medidas que adoptou Adolf Hitler ao acceder ao poder de Alemaña que conculcaban as limitacións impostas no Tratado de Versalles estaba: ☐ a eliminación da Luftwaffe como forza aérea ☐ a invasión do territorio de Etiopía ☐ o restablecemento do servizo militar obrigatorio
5. Francia tratou de illar diplomaticamente á Alemaña nazi asinando un acordo con Italia e Reino Unido que tiña entre os seus obxectivos: ☐ renunciar a opoñerse á política armamentística de Hitler ☐ abandonar a participación francesa na Sociedade de Nacións ☐ asegurar a independencia de Austria	6. A Sociedade de Nacións aplicou sancións económicas contra o Goberno italiano de Mussolini despois de que este: ☐ pedise ser membro permanente da Sociedade de Nacións ☐ invadise e conquistase Etiopía ☐ rompesse todos os pactos coa Alemaña de Hitler
7. Hitler e Mussolini interpretaron como unha mostra de debilidade a pasividade das democracias occidentais fronte á: ☐ ocupación alemá da zona desmilitarizada de Renania ☐ invasión italiana de Grecia e Checoslovaquia ☐ intervención soviética na Guerra Civil española apoiando ao bando franquista sublevado	8. O estalido da Guerra Civil española provocou que varios países reaccionasen asinando: ☐ un acordo de non intervención en España ☐ un manifesto de apoio e axuda incondicional ao bando republicano ☐ unha declaración de guerra inmediata contra o bando franquista sublevado
9. Os militares sublevados contra a República na Guerra Civil española recibiron axuda com tropas e material bélico de parte: ☐ da Unión Soviética ☐ da Alemaña nazi e da Italia fascista ☐ do Reino Unido comunista e da Francia bolxevique	10. A participación na Guerra Civil española da Alemaña nazi e da Italia fascista facilitou o nacemento dunha alianza que foi denominada como: ☐ Eixe Roma-Berlín ☐ Pacto Prokomintern ☐ Pano de Aceiro
11. O Pacto Antikomintern contra a URSS que asinaron Alemaña e Xapón contou tamén coa adhesión de: ☐ Francia e da Inglaterra de Churchill ☐ Polonia e de Estados Unidos de Roosevelt ☐ Italia e a España de Franco	12. As tropas alemás entraron en Viena en 1938 e Hitler anunciou a celebración dun plebiscito para: ☐ manter a independencia de Austria respecto do Reich alemán ☐ ratificar a anexión de Austria ao Reich alemán ☐ renunciar a calquera medida para ampliar o espazo vital

13. O Protectorado de Bohemia-Moravia que se formou despois da penetración das tropas nazis nese territorio era: ☐ un Estado satélite do Terceiro Reich ☐ un reino independente dentro da Checoslovaquia libre do dominio nazi ☐ unha república desmilitarizada administrada pola Sociedade de Nacións	14. Albania foi un territorio que antes da Segunda Guerra Mundial: ☐ se mantivo libre de calquera invasión exterior ☐ foi ocupado pola Italia de Mussolini ☐ pasou a integrarse na Unión Soviética
15. Stalin xustificou a sinatura do Pacto xermano-soviético de non agresión con argumentos como: ☐ a necesidade de propiciar un ataque alemán sobre territorio soviético ☐ o desexo de iniciar unha etapa de illamento diplomático ☐ a evidente hostilidade das potencias occidentais cara á URSS	16. O protocolo secreto do Pacto xermano-soviético de non agresión contiña acordos como: ☐ a ocupación de todo o territorio de Polonia por parte das tropas alemás ☐ o recoñecemento dos dereitos da URSS sobre Finlandia, os países bálticos e Besarabia ☐ a entrega da rexión dos Sudetes á Unión Soviética
17. A prolongación da Segunda Guerra Mundial máis alá do que crían os dirixentes da Alemaña nazi fixo que este país decidise: ☐ manter o esforzo da guerra só cos recursos existentes em territorio alemán ☐ deseñase unha campaña de explotación, saqueo e rapina dos recursos dos países ocupados ☐ recibise numerosos apoios económicos e humanos de parte dos países do bando aliado	18. Os campos de traballo que se estableceron na Segunda Guerra Mundial baixo control das SS e de grandes conglomerados industriais: ☐ abundaban especialmente en Europa oriental ☐ utilizaban unicamente man de obra escrava no oeste de Europa ☐ recludían principalmente a poboación de razas consideradas autenticamente alemás polo nazismo
19. Charles De Gaulle foi un político e militar que durante a Segunda Guerra Mundial: ☐ ocupou o cargo de presidente da Francia de Vichy ☐ exerceu de dirixente da Francia colaboracionista co réxime nazi ☐ estivo á fronte da resistencia francesa desde o exterior do país	20. A Grande Alemaña que pretendía crear o réxime nazi tiña como obxectivo incluír dentro do seu territorio: ☐ ás xentes de etnia xudía e xitana residentes en diversos lugares do mundo ☐ a todas aquelas persoas partidarias das ideas comunistas e da resistencia contra o nazismo ☐ ás poboacións de orixe xermánica dispersas por Centroeuropa e polos países bálticos
21. Algúns xerarcas nazis foron condenados a morte tras a celebración: ☐ do proceso contras as matanzas de poboación xaponesa en Katyn ☐ da conferencia de paz contra os responsables do lanzamento de bombas atómicas sobre Londres e Dresde ☐ dos xuízos de Núremberg	22. Estados Unidos converteuse consolidou a súa posición hexemónica como gran potencia agraria, industrial e financeira a nivel mundial tras a Segunda Guerra Mundial debido entre outros motivos a: ☐ ao subministro de armamento e outros produtos aos aliados durante a guerra ☐ ao retroceso do súa capacidade produtiva ☐ á destrución de boa parte do seu equipamento industrial nos combates producidos en territorio de Norteamérica
23. Os líderes políticos reunidos na Conferencia de Ialta chegaron a acordos como: ☐ a unificación de Alemaña nunha zona de ocupación ☐ a sucesión de Churchill como presidente dos Estados Unidos ☐ a anexión dos Estados bálticos e do leste de Polonia á URSS	24. Alemaña e a cidade de Berlín quedaron divididas en catro zonas de ocupación tras a Conferencia de Postdam as cales estarían administradas por: ☐ Polonia, Checoslovaquia, Hungría e Iugoslavia ☐ Italia, España, China e Xapón ☐ Estados Unidos, Reino Unido, Francia e a Unión Soviética
25. A Organización das Nacións Unidas creouse coa intención de exercer como unha nova organización internacional que mantivese a paz e a seguridade internacionais: ☐ en 1945 na Conferencia de Postdam ☐ en 1945 na Conferencia de San Francisco ☐ en 1949 no Tratado do Atlántico Norte	26. Entre os fins da ONU, que están fixados na Carta das Nacións Unidas, están: ☐ a estimulación da loita contra os dereitos e liberdades ☐ o recoñecemento do dereito á libre determinación dos pobos ☐ a cooperación pacífica para impedir a independencia das colonias dos grandes imperios
27. A Asemblea Xeral é un organismo da ONU que está formado por todos os Estados membros e que ten entre as súas funcións: ☐ emitir recomendacións ☐ eliminar o dereito de veto dos membros permanentes ☐ elaborar resolucións de obrigado cumprimento para todos os países membros da organización	28. Entre os Estados que teñen a condición de membros permanentes do Consello de Seguridade da ONU están: ☐ Estados Unidos e Alemaña ☐ Xapón e Francia ☐ Rusia e China

29. Todos os países membros da ONU están obrigados a: ☐ exercer como membros permanentes do Consello de Seguridade ☐ cumprir as resolucións do Consello de Seguridade ☐ ter un secretario xeral da ONU nacido no seu país ao longo da historia da organización	30. A Secretaría Xeral da ONU está formada por un corpo de funcionarios e por un secretario xeral que é elixido: ☐ cada dous anos entre os dez membros permanentes do Consello de Seguridade ☐ cada catro anos nas eleccións celebradas en cada un dos Estados membros ☐ cada cinco anos pola Asemblea Xeral da ONU
---	--

PARTE PRÁCTICA

PREGUNTA 2. Realice un comentario do seguinte bloque de documentos históricos seguindo os pasos e pautas de comentario que aparecen a continuación (ESTENSIÓN APROXIMADA: 50-60 LIÑAS OU 500-600 PALABRAS) (puntuación máxima de **5 puntos**):


BLOQUE DE DOCUMENTOS 2

ORIENTACIÓNS: A partir dos dous documentos que se guen debes elaborar un comentario sobre ao **desenvolvemento da Segunda Guerra Mundial**. Na redacción debes abordar as seguintes cuestións: **as innovacións técnicas e a táctica militar na Segunda Guerra Mundial e ás fases da guerra (DOCUMENTO 10) e (DOCUMENTO 11)**. Lembra que non se trata de responder a preguntas illadas, senón de realizar un **comentario coherente e argumentado**, e que na avaliación se terán en conta os coñecementos, a utilización dos documentos e a corrección da expresión escrita.

Pasos a seguir para o comentario con dous documentos históricos

1. PASO 1: **INTRODUCCIÓN** (explicación xeral e definición da Segunda Guerra Mundial)
2. PASO 2: **EXPLICACIÓN DO CONTEXTO HISTÓRICO PREVIO** (innovacións técnicas e a táctica militar na Segunda Guerra Mundial, facendo referencia á táctica militar alemá da guerra lóstrego, ás tácticas militares do bando aliado, á aplicación dos avances científico-técnicos e á construción de novas armas)
3. PASO 3: **COMENTARIO DO PRIMEIRO DOCUMENTO** (fase da guerra das ofensivas alemás e da guerra lóstrego (DOCUMENTO 10), facendo referencia á invasión de Polonia, á invasión de Dinamarca e Noruega, á invasión de Bélxica e os Países Baixos á invasión de Francia e á división deste país en dúas zonas, á batalla de Inglaterra, á entrada de Italia na guerra e aos combates no norte de África e á intervención de Alemaña nos Balcáns)

DOCUMENTO 10. AS OFENSIVAS ALEMÁS EN EUROPA (1939-1942)



Pautas a seguir para o comentario do mapa histórico

a) CLASIFICACIÓN

- Título
- Natureza do mapa
 - En función da súa orixe (fonte primaria ou fonte secundaria)
 - En función da súa forma (histórico-físico, histórico-político, histórico-topográfico, histórico-urbano...)
 - En función do seu contido (político, económico, agrario, industrial, militar...)
- Época na que foi realizada
- Espazo xeográfico que ocupa
- Ámbito cronolóxico que abrangue

b) ANÁLISE

- Tema principal
- Outros temas e outra información que nos achega

c) COMENTARIO

- Explicación do tema ou temas que trata o mapa, **sempre en relación e facendo referencia ao contido do documento**
 - Mención en primeiro lugar das circunstancias históricas que inflúen na configuración do mapa
 - Análise dos elementos do mapa que nos achegan información sobre o acontecemento e a época
 - Identificación da mensaxe que nos pretende transmitir


d) CONCLUSIÓN

- Valoración crítica do mapa como fonte de información sobre os feitos históricos tratados (autenticidade, exactitude, sinceridade, obxectividade, nivel de interese á hora de analizar o acontecemento ou a época histórica na que se inscribe...)

4. PASO 4: EXPLICACIÓN DO CONTEXTO HISTÓRICO INTERMEDIO (situación favorable na guerra para as potencias do Eixe, co control de case toda Europa, intento de invasión da Unión Soviética por parte de Alemaña, ataque aéreo xaponés sobre a base naval estadounidense de Pearl Harbor e avance do proceso de ocupación de territorios no Océano Pacífico por parte de Xapón)

5. PASO 5: **COMENTARIO DO SEGUNDO DOCUMENTO** (etapa de viraxe da guerra cara á derrota do Eixe (**DOCUMENTO 11**), facendo referencia á derrota do exercito alemán en Stalingrado, á batalla de Kursk, á batalla de El Alamein, ao desembarco aliado en Sicilia para intentar conquistar Italia e á división de Italia en dúas zonas, ao desembarco de Normandía. ao avance do Exército Vermello polo leste de Europa e á rendición incondicional de Alemaña)

DOCUMENTO 11. A GUERRA EN EUROPA (1942-1945)



Pautas a seguir para o comentario do mapa histórico

a) CLASIFICACIÓN

- Título
- Natureza do mapa
 - En función da súa orixe (fonte primaria ou fonte secundaria)
 - En función da súa forma (histórico-físico, histórico- político, histórico-topográfico, histórico-urbano...)
 - En función do seu contido (político, económico, agrario, industrial, militar...)
- Época na que foi realizada
- Espazo xeográfico que ocupa
- Ámbito cronolóxico que abrangue

b) ANÁLISE

- Tema principal
- Outros temas e outra información que nos achega

c) COMENTARIO

- Explicación do tema ou temas que trata o mapa, **sempre en relación e facendo referencia ao contido do documento**
 - Mención en primeiro lugar das circunstancias históricas que inflúen na configuración do mapa
 - Análise dos elementos do mapa que nos achegan información sobre o acontecemento e a época
 - Identificación da mensaxe que nos pretende transmitir

d) CONCLUSIÓN

- Valoración crítica do mapa como fonte de información sobre os feitos históricos tratados (autenticidade, exactitude, sinceridade, obxectividade, nivel de interese á hora de analizar o acontecemento ou a época histórica na que se inscribe...)

6. PASO 6: **EXPLICACIÓN DO CONTEXTO HISTÓRICO FINAL** (contraataque das tropas estadounidenses polo Océano Pacífico, coas batallas de Midway e de Guadalcanal, lanzamento das bombas atómicas sobre Hiroshima e Nagasaki e capitulación de Xapón)